

Doktrinal nga Kahanas sa Bag-ong Tugon: Pagsukod sa Nakat-onan 1

MANWAL SA SEMINARY ALANG SA BAG-ONG TUGON

Mga pakisayran sa doktrinal nga kahanas

Alang sa mga pangutana 1–3, isulat ang letra nga nahiuyon sa pakisayran diha sa blangko sunod sa matag hugpong sa mga pulong. Palihog ayaw gamita ang inyong mga kasulatan alang niini nga bahin sa pagsukod sa nakat-onan.

1. ____ “Gawas kon ang tawo matawo pinaagi sa tubig ug sa Espiritu, dili siya makasulod sa gingharian sa Dios.”
a. Mateo 11:28–30
b. Lucas 2:10–12
2. ____ Si Jesukristo misugo, moambit sa sakramento “aron paghandom kanako.”
c. Lucas 22:19–20
d. Juan 3:5
3. ____ “Umari kanako, kamong tanan nga nabud-lay ug nabug-atan, ug papahulayon ko kamo.”
e. Juan 3:16

Mahinungdanong hugpong sa mga pulong sa kasulatan

Alang sa mga pangutana 4–6, pun-i ang kulang nga mga pulong sa mga mahinungdanong hugpong sa mga pulong sa kasulatan sa doktrinal nga kahanas. Palihog ayaw gamita ang inyong mga kasulatan alang niini nga bahin sa pagsukod sa nakat-onan.

4. Si Jesus miingon, “_____ ko kanimo ang _____ sa _____.” (Mateo 16:15–19)
5. “Kay alang kaninyo _____ karon sa lungsod ni David ang _____ nga mao ang _____.” (Lucas 2:10–12)
6. “Kay ang _____ walay _____ ug _____ ingon sa inyong nakita nga ania kanako.” (Lucas 24:36–39)

Mahimo kamong mogamit sa inyong mga kasulatan alang sa nahibilin nga pagsukod sa nakat-onan.

Alang sa mga pangutana 7–9, ilha ang usa o daghan pang mga tudling sa doktrinal nga kahanas nga mahimong makatabang sa usa ka tawo sa mosunod nga mga sitwasyon.

7	Kauban nimo ang mga misyonaryo diin adunay nangutana kon siya ba kinahanglan nga bunyagan o kon siya mahimong modawat lamang ni Jesus diha sa iyang kasingkasing.	
8.	Sa Sunday School, usa ka miyembro sa inyong ward nangutana unsaon niya pagkasayod nga ang doktrina nga gitudlo sa Simbahan gikan sa Dios.	
9.	Ang usa ka tawo nag-andam og leksiyon sa family home evening mahitungod kon unsaon nato pagkahimong mas maayong mga disipulo ni Jesukristo.	

Sa mga pangutana 10–11, ihulagway ang inyong kahibalo ug abilidad sa paggamit sa mga baroganan sa pag-angkon og espirituhanong kahibalo.

10. Unsaon ninyo pagpasabot sa mosunod nga tulo ka baroganan sa pag-angkon og espirituhanong kahibalo sa usa ka tawo nga dili sinati niini?
 - a. Molihok inubanan sa hugot nga pagtuo

 - b. Mosusi sa mga konsepto ug mga pangutana inubanan sa mahangtorong panglantaw

 - c. Magtinguha og dugang nga panabot pinaagi sa balaanong gitudlo nga mga tinubdan

11. Aduna kamoy higala nga nanglimbasog sa pagtuo nga ang Langitnong Amahan ug si Jesukristo nahigugma kaniya ug buot nga adunay usa ka personal nga relasyon ngadto kaniya. Tubaga ang mosunod nga mga pangutana:
 - a. Unsa nga piho nga mga butang ang inyong iawhag kaniya nga buhaton aron molihok diha sa hugot nga pagtuo?

 - b. Unsaon ninyo pagtabang niya nga makit-an ang iyang sitwasyon uban ang usa ka mahangtoron nga panglantaw?

 - c. Ang mga tudling sa doktrinal nga kahanas mao ang mga chemplo sa balaang gitudlo nga mga tinubdan. Unsa nga (mga) tudling sa doktrinal nga kahanas ang lagmit ninyong mapaambit kaniya? Ngano man?

12. Sa 11 ka mga tudling sa doktrinal nga kahanas nga inyong natun-an hangtod karon, hain ang labing naka-impluwensiya kanimo, ug ngano? Unsa ang gitudlo niini nga baroganan diha kanimo mahitungod sa Langitnong Amahan ug ni Jesukristo?